

Datum Caluis anno domini M° CCC° LXIX° die decima quarta mensis Decembris sub sigillo offic. curiae saepedictae.

Nach dem beschädigten Orig. auf Papier im K. Haupt-Staatsarchiv zu Dresden. Von den vier am untern Rande der Urk. aufgedruckten Siegeln sind zwei ziemlich erhalten, von den andern nur wenige Reste vorhanden.

No. 128. 1369. 19. Dec.

*Der Chorherr Nicolaus von Geringeshagen (Gerichshain), Procurator des Probst Michael, des Prior Dietrich und des Convents zu St. Thomas wendet gegen die Revocationssentenz des Official Nicolaus von Giezin (vgl. No. 127) das Rechtsmittel der Appellation an den päbstlichen Stuhl ein.*

In nomine domini amen. Anno nativitatis eiusdem millesimo CCC<sup>mo</sup> LX nono indictione octava decima nona die mensis Decembris hora vesperearum vel quasi pontificatus sanctissimi in Christo patris et domini nostri domini Urbani divina providentia papae quinti anno octavo constitutus coram honorabili viro domino Nicolao de Gyezin officiali curiae Magdeburgensis iudice subdelegato inter partes subscriptas a reverendissimo in Christo patre et domino domino Alberto sanctae Magdeburgensis ecclesiae archiepiscopo iudice principali a sede apostolica delegato in meique notarii publici subscripti et testium infrascriptorum praesentia honorabilis vir dominus Nicolaus de Geringeshagen canonicus regularis monasterii sancti Thomae in Lipiczik ordinis sancti Augustini Merseburgensis diocesis procurator honorabilis viri domini Michahelis praepositi, Theoderici prioris totiusque conventus dicti monasterii quondam cedula papiream produxit appellationem subscriptam continentem eamque legit et interposuit, apostolos petivit et protestatus fuit in haec verba: Cum appellationis praesidium in oppressorum remedium dinoscatur inventum, ideo ego Nicolaus de Geringeshagen canonicus regularis monasterii et ordinis subscriptorum procurator honorabilis viri domini Michahelis praepositi, discretorum virorum Theoderici prioris ac conventus monasterii regularium canonicorum in Lipiczik coram vobis honorabili viro domino Nicolao de Gyezin officiali curiae Magdeburgensis executore in causa inter priorem et conventum dicti monasterii parte ex una et Vlricum de Malticz quondam dicti monasterii praepositum super executione sententiae privationis contra eundem latae vertente parte ex altera a venerabili in Christo patre et domino domino Alberto sanctae Magdeburgensis ecclesiae archiepiscopo a sede apostolica delegato subdelegato propono animo appellandi, quod quamquam alias coram vobis in dicta causa nomine procuratorio quo supra proposuerim excipiendo, quod vos vigore dictae subdelegationis per quam vobis solum mera et nuda executio dictae sententiae extitit subdelegata a dicto domino archiepiscopo, cui etiam solum nuda praetactae sententiae executio absque omni alia iurisdictione a sede apostolica in hac parte dinoscitur delegata, prout ex tenore eiusdem subdelegationis et rescripto delegationis apparebat et apparet, ad petitionem dicti Vlrici maioris sententiae excommunicationis per venerabilem patrem et dominum dominum Fredericum Merseburgensis ecclesiae episcopum innodati de meritis electionis de dicto domino Michahelle ad praeposituram factae